

48

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第五十七

浚成王應麟伯厚甫

藝文

圖繪名臣

自古皇王褒崇勲德既勒布於鍾鼎又圖形於丹青

周明堂周公圖

家語觀周第十一孔子觀乎明堂觀四門墉有周公相成王抱之負斧戾南面以朝諸侯之圖孔子曰此周之所以盛也

哈佛大學漢和
圖書館珍藏印

有周盛時褒賞功德或藏在盟府或紀于太常或銘於昆吾之鼎獨周公有大勲勞於天下廼繪象于明堂之墉期億萬年無忘師保之德使觀之者肅然動心願竭忠盡瘁追配前人褒崇勸獎之道於是為至

漢未央宮畫

文苑英華盧碩畫諫曰漢文帝二年兩漢於未央宮承明殿畫屈軼草進善旌誹謗木敢諫鼓獬豸

漢麒麟閣名臣圖

蘇武傳甘露三年單于始入朝上思股肱之美廼圖畫其人於麒麟閣法其形貌著其官爵姓名唯霍光

圖繪名臣

不名曰大司馬侍陸侯姓霍氏次曰衛將軍富平侯張安世次曰車騎將軍龍頰侯誼增次曰後將軍營平侯趙充國次曰丞相高平侯魏相次曰丞相博陽侯丙吉次曰御史大夫建平侯杜延年次曰宗正陽城侯劉德次曰少府梁丘賀次曰太子太傅蕭望之次曰典屬國蘇武皆有功德知名當世是以表而揚之明著中興輔佐列於方叔召虎仲山甫焉凡十一人皆有傳自丞相黃霸廷尉于定國大司農朱邑京兆尹張敞右扶風尹翁歸及儒者夏侯勝等皆以善終著名宣帝之世然不得列於名臣之圖以此知其

選矣。注張晏曰：武帝獲麒麟時作此閣，圖畫其象於閣。遂以為名師。古曰：漢宮閣，疏名云蕭何造。叙傳：博陸堂，堂受遺武皇，權定社稷，配忠阿衡。安世：溫良寒淵，其德子孫，遵業全祿，保國。張安世宣和自守。溫廣遂辭。韓增傳：營李蟠，蟠立功立論，以不濟可上論其信。趙充國：高平師，師惟辟作威，圖默凶，言天子是毗。魏相博陽不伐，舍弘光大天，誘其哀，慶派苗裔。丙吉：延年寬和，列于名臣。杜延年：其在于京，尖世宗正勅，亦王室用，任陽成，劉德小心，周密，上信重之。傳 長倩，慎慎，與霍不舉。蕭望之：蘇武信，即不試。

王命蘇武

漢未央宮趙充國圖

趙充國傳：充國以功德與霍光等，列畫未央宮成帝時。西羌嘗有警，上思將帥之臣，追美充國，題召黃州郎務雄，即充國圖畫而頌之。

漢南宮雲臺功臣圖

後漢論中興二十八將，前世以為上應列宿，末之壽也。然威能感會，風雲奮其智勇，稱為佐命，亦各志能之士也。永平中，顯宗追感前世功臣，乃圖畫二十八將於南宮雲臺。其外有王常、寶融、卓茂，合三十二人。

故依其本第係之篇末以志功臣之次云大傅高密侯鄧禹

高廣平侯吳漢建大河南尹阜成侯王梁

左將軍膠東侯賈復方直琅邪太守祝阿侯陳參

峽大建威大將軍好時侯耿种次走驃騎大將軍

參遠侯杜茂破盧方執金吾雍奴侯寇恂居河積弩

將軍崑陽侯傅俊江征南大將軍舞陽侯岑彭

征之左曹合肥侯堅鐔攻征西大將軍夏陽侯

馮異上谷太守淮陽侯王霸建建武大將軍

信都太守阿陵侯任光

虜將軍穎陽侯祭遵平河北豫章太守中水侯李忠

魏里侯萬脩從平虎牙大將軍安平侯益延破柳城太

常靈壽侯邳彤一言興邦衛尉安成侯鉅期勝青驃

騎大將軍昌成侯劉植受封東郡太守東光侯耿

純克赤橫野大將軍山桑侯王常金石城門校尉朗

陵侯臧宮滅公孫大司空固始侯李通忘身捕

虜將軍揚虛侯馬武力戰大司空安豐侯竇融奉圖

驃騎將軍慎侯劉隆憲太傅宣德侯卓茂執節贊

曰帝績思又庸功是存有來群后捷我戎軒婉孌龍

萬曆丁亥年

益主未益書刊

姿儷景同翻謂光武也

馬援傳顯宗圖畫建武中名臣

列將於雲臺以椒房故獨不及援東平王蒼觀圖言

於帝曰何故不畫伏波將軍像帝笑而不言

通監

末平三年二月功臣之次鄧吳賈景恂彭異祐遵丹

延期純宮武隆成梁俊茂俊鐔霸光忠脩彤植常通

融茂通監所叙誤

陶淵明集聖賢群輔錄云鄧禹吳漢

賈復耿弇寇恂馮異岑彭祭遵邳彤耿純王霸臧宮

景丹杜茂朱祐劉隆馬成王梁鉞期蓋延馬武劉植

任光李忠萬脩陳俊傅俊堅鐔右河北二十八將光

武所與定天下禹漢弇恂異復彭遵光武之起資

圖繪名臣

為腹心祐丹延期純隆宮武光武之起資為雲俊成
梁二俊茂霸鐔光忠脩彤植爪牙為良茂常通融四
七之餘續以繪之功臣之圖

漢西閣畫

揚傳惲上觀西閣上畫人指桀紂畫謂樂昌侯王
武曰天子過此一二問其過可以得師矣畫人有堯
舜禹湯不繹而舉桀紂

漢列士圖

論宣帝之時畫圖漢列士或不在於畫上者子孫
恥之

漢曆癸未補年
漢明帝發閣畫

見後

漢圖書胡廣黃瓊頌
鴻都文學圖書贊

東觀畫象

胡廣傳熹平六年靈帝思感舊德乃圖書廣及太尉
黃瓊省內詔議郎蔡邕為領注謝承書頌云嶽巖山
岳配天作輔降神有同生東及甫允茲漢室誕育二
后曰胡曰黃方軌齊武惟道之端惟德之敷股肱元
首代作心膂天生蒸人有則有鍾我胡我黃
懿魏魏特准仍踐其位赫赫三臺七佩其峻
厥純
弈四

壯沃若六轡衮職龍章其文有蔚參曜乾台窮寵極
貴功加八荒辟生以遂超哉邈乎莫與為二
陽球

傳靈帝敕中尚方為鴻都文學三十二人圖象立贊
以勸學者臣聞圖象之設以昭勸戒欲令人君動覽
得失

高彪傳詔東觀畫彪象以勸學者
姜肱傳

桓帝下彭城使畫工圖肱形狀
蔡邕傳靈帝光和

元年置鴻都門學畫孔子及七十二弟子
陳紀傳

以至德稱豫州刺史嘉其至行表上尚書圖象百城

以厲風俗
冀州表朱穆之象
太丘有陳寔之畫

蔡質漢官典職曰尚書奏事於明光殿省中皆以胡

萬曆丁亥年刊
四百二十三易同文

粉塗壁紫青界之畫古烈士重行書讚

漢禮殿圖 文翁學堂圖

益州記成都學有周公禮殿舊記云漢獻帝時立高

聯文翁石室在焉東即周公禮殿又益州太守高

修周公禮殿記初平五年九月始自文益州刺史

張收畫盤古三皇五帝三代君臣與仲尼七十弟子

於壁間史記索隱仲尼弟子唐志雜傳記類益州

文翁學堂圖一卷 隋志蜀文翁學堂像題記二卷

益部耆舊傳益州刺史董榮圖畫譙周像於州學

命從事李通頌之 李業傳益部紀載其高節圖畫

圖繪名臣

形象 宋祁文翁祠碑云公為禮殿以舍孔子及七

十二子之象殿右廡作石室舍公像其中後人又作

高聯象進偶公室嘉祐二年祁知益州肖公像於宇

間繪相如等十東西壁本古學之復莫若聯今學之

盛莫若蔣堂繪二公配祠焉 十賢太守文翁司馬

相如王褒嚴遵張寬李仲元何武揚雄太守高聯知

益州蔣堂

魯靈光殿賦曰圖畫天地品類羣生云云上紀開闢

遂古之初鴻荒朴畧厥狀睢盱煥炳可觀黃帝唐虞

下及三后云云惡以誠世善以示後 先賢行狀曰

陳紀與寔高名並著而弟湛又配之每宰府辟召羔
鴈成羣世號三君百城皆圖畫狀人紀見著書

漢賢王圖

唐志漢王元昌畫賢王圖韋無忝畫高祖及諸王圖
曹元廣畫高祖太宗諸子圖

魏温室畫象贊

魏都賦見贊類

魏陳思王畫讚序曰畫者鳥書之流也呂氏春秋史皇作圖

唐文學館十八學士圖 贊

褚亮傳亮與杜如晦等十八人為文學館學士武德

圖繪名臣

四年上以秦王功大前代官不足以稱之特置天策

上將軍位在王公上冬十月以秦王為天策上將軍

領司徒陝東道大行臺尚書令增邑二萬戶仍開天

策府置官屬秦王以海內浸平乃向儒學開館於宮

城西學館收聘賢才於是下教以王府屬杜如晦記

室房玄齡虞世南文學褚亮姚思廉主簿李玄道參

軍蔡允恭薛元敬顏相時諮議典籤蘇勉天策府從

事中心郎于志寧軍諮祭酒蘇世長記室薛收倉曹李

守素國子助教陸德明孔穎達太學助教蓋文達宋

州總管府戶曹許敬宗並以本官兼文學館學士

嘉靖丙辰年 監生程襄刊

卒召劉孝孫入館分為三番近宿閣下供給珍膳恩

禮優厚每遇朝謁公事之暇輒至館中引諸學士討

論文籍確畧前代無常禮之間或夜分乃寢又使庫

直間立本圖像文學褚亮為之贊題名爵里號十八

學士藏之書府以彰禮賢之重方是時天下向慕學

士大夫得預其選者謂之登瀛洲寶錄云勅成一卷號曰十八學士馬

真圖 會要云 藝文志間立本畫秦府十八學士

圖又曹元廣畫秦王府學士圖舊史列傳房玄齡

貞觀十八年與司徒長孫無忌等圖形於凌煙閣讀

曰才兼藻翰思入機神當官勵節奉上忘身一作危身

圖繪名臣

杜如晦兼文學館學士畫像於丹青者十有八人而

如晦為冠首令文學褚亮為贊曰建平文雅休有烈

光懷忠履義一作抱義身立名揚虞世南圖形凌煙閣

姚思廉為文學館學士寫其形像列於十八學士

圖令文學褚亮為讚曰志古精勤紀言實錄臨名殉

義餘風勵俗孔穎達貞觀十八年圖形凌煙閣讀

曰道光列第風傳闕里精義霞開揆辭颺起蘇世

長為學士圖畫亮為讚曰軍諮諧嘏超然辯悟正色

于庭匪躬之故

十八學士贊各四句舊史贊十八文星連輝炳耀

嘉靖丙辰年

王每卷五十一

乙

監生程襄州

房玄齡杜如晦姚思廉孔穎達蘇世長見舊史本傳
虞世南。篤行揚聲。雕文絕世。網羅百氏。並包六藝。
李守素。賢哉博識。穆爾清風。游情文苑。高步談叢。
劉孝孫。劉君直道。存交守信。雅度難追。清文遠振。
褚亮。道高業峻。神清氣遠。學摠書林。文兼翰苑。
蓋文達。言超理窟。辯折談風。蒲輪遠聘。稷下連蹤。
于志寧。古稱益友。允光斯職。蘊此文辭。懷茲諒直。
許敬宗。槐市騰聲。蘭宮游道。抑揚辭令。縱橫才藻。
顏相時。六文科籀。三冬經史。家擅學林。人游書市。
陸德明。儒術為貴。玄風可師。儔學非遠。離經在茲。

圖繪名臣

李玄道。李侯鑒遠雅量。淹通清言。析理妙藻。推工
薛元敬。薛生履操。昭哉德音。辭奔健筆。思逸清襟。
蔡允恭。猗與達學。蔚有斯文。冰霜比映。蘭桂同芬。
蘇勉業。敏游藝躬。勤帶經書。傳竹帛。畫美丹青。

薛收傳。後遍圖學士。太宗歎曰。恨不早圖其像。後圖

學士像。歎其早死。不得與。王覲有記。褚亮有贊。蔣

又有傳。王覲十八學士圖記曰。十八學士皆煬帝

之臣。曷闇於隋而明於唐。是有其材而無其時矣。如
晦玄齡於一尉。或非好去任。或挂網徒邊。褚亮虞南
不離下位。或嫉才見謫。或七品十年。暨顯我國家。則

有兼文武器重圭璋者慷慨大節臨機能斷者仁孝
忠直預識存亡者潔行檢身而有英略者好學敏達
詳明吏道者出入軍旅涉歷危難者不憚兵威植立
忠誼者博聞正儉文翰兼絕者風韻閑雅善於吟詠
者精練詁訓長於講論者立身行道之事盡在斯矣
輒采本傳列嘉績庶幾閱像者思其人披文者思其
人。後周杜良作唐文皇畫像記曰太宗已定天下
而高祖已登九五矣太宗於閭閻疾瘼干戈勤勞且
盡知之於仁義之治興太平極治之功容或有未究
焉耳既作文學館延四方英俊講貫紬繹薰陶耳目

圖繪卷之四

者莫非帝王之事彼十八登瀛人必曰為如是事而
治為如是事而亂以太宗之明刻記于心肯圖衰亂
乎一意於求治而已仁鑑義輔道新德火日往月來
就聖神之模其為宗廟社稷生靈者炳焉與二代無
以異矣故太宗之功烈自漢高以降莫之與敵十八
人之力也。名賢畫錄間立本圖秦府十八學士凌
煙閣二十四功臣輝映今古惟職貢函簿等圖與立
德同製之。

高齊竟陵王子良集學士於西邸並見圖書

唐貞觀圖功臣凌煙閣高宗附

太宗紀貞觀十七年二月戊申圖功臣于凌煙閣舊

云無忌等勳臣二十四人秦瓊傳十七年詔司徒趙國公無忌

者遂良等四氣河間王孝恭司空萊國公如晦司空太子太師鄭國

公徵傳開元帝思不記禮司空梁國公玄齡開府

儀同三司鄂國公敬德特進衛國公靖會無特進

宗國公瑀輔國大將軍夔國公志玄輔國大將軍姜

國公弘基尚書左僕射蔣國公通陝東道行臺右僕

射鄭國公開山荊州都督譙國公紹荊州都督鄧國

公順德傳齊開功區圖見其洛州都督鄭國公亮吏

傳齊開功區圖見其洛州都督鄭國公亮吏

部尚書陳國公君集左驍衛大將軍邠國公公謹左

領軍大將軍盧國公知節禮部尚書永興郡公世貞

戶部尚書渝國公政會戶部尚書莒國公儉兵部尚

書英國公勣太宗時李勣已畫像高宗永徽此并叔

寶並圖形凌煙閣高宗永徽六年遣使致祭名臣圖

形凌煙閣者凡七人徵士廉瑀志玄弘基世南叔寶

皆終始著名者也會要貞觀十七年二月二十八

日詔曰甘露食佐麟閣著其美建武功臣雲臺紀其

跡司徒長孫無忌河間王孝恭司空萊國公杜如晦

太子太師鄭國公魏徵梁國公房玄齡鄂國公尉遲

萬曆庚辰刊

敬德宋國公蕭瑀褒國公段志玄夔國公劉弘基蔣國公屈突通右僕射鄭國公殷開山譙國公許紹邳國公長孫順德鄭國公張亮吏部尚書陳國公侯君集鄭國公張公謹盧國公程知節永興郡公虞世南渝國公劉政會莒國公唐儉英國公李勣胡國公秦叔寶等二十四人可並圖形凌煙閣會要當誤柴紹柴紹封雍國公魏日案秦瓊傳止叙二十三人而遺高士廉唐呂溫一作有高中公士廉按序云象二十四氣之佐天即二十四人明矣然只叙二十二人不實張亮侯君集以其負國跋扈自隔大

逆故沒其名用彰天刑異姓為後又以河間王孝恭為首會要叙二十二遺衛公靖與高中公士廉却言叔寶等二十四人藝文志太宗凌煙功臣贊一卷今孤德茶凌煙閣功臣故事四卷雜史類蔣又凌煙閣功臣二十四人圖閣立本畫秦府十八學士立本之時又有舊史永徽五年高宗圖長孫無忌形象親為畫贊以賜之通志有唐朝功臣配享圖李嗣真武后奇其風度召關元靜圖之揚志誠為贊殷仲容書

唐廣德凌煙閣圖功臣

代宗紀廣德元年七月壬子給功臣鐵券藏名于太

廟圖形凌煙閣實錄御宣政殿下詔雅王至曹楚王

侯希逸實應初德宗紀為天下兵馬元帥封雍王

寶應元年十月諸將敗史朝義遂克東都十一月朝

義死河北平以功兼尚書令與功臣郭子儀李光弼

等賜鐵券圖形凌煙閣李光弼傳浙東賊袁晁反

分州建元寶勝以建丑為正月殘剽州縣光弼遣麾

下破其衆於濮州廣德元年擒晁浙東平詔增官

戶二與一子三品階賜鐵券名藏太廟圖形凌煙

閣郭子儀傳回紇吐蕃入寇代宗逃幸陝程元振

懼罪說帝都洛陽帝可其計子儀表諫帝得奏泣謂

左右曰子儀社稷臣朕西決矣乘輿還子儀頓首請

罪帝勞曰用卿挽至此乃賜鐵券圖形凌煙閣

鮑防傳代宗時兼太原尹人樂其治詔圖形別殿

唐貞元凌煙閣圖象聖曆侍臣圖

奮紀貞元五年九月壬戌詔以褚遂良已下至李晟

等二十七人圖形於凌煙閣以繼國初功臣之像

李晟傳貞元三年進拜太尉中書令明年詔為晟立

五廟他日與馬燧見延英帝嘉其勲下詔曰昔我

宗七

祖乘乾坤盪滌掃隋季宸第體元御極作人父母則
有熊羆之士不二心之臣左右經綸參贊締創昭文
德開武功威不庭康不乂用端命于上帝付異四方
王業既成太階既平乃圖厥容列于凌煙閣慈昭績
效表式儀刑以弗忘朝夕永垂乎來裔君臣之義厚
莫重焉歲在己巳秋九月會要貞元元年己巳秋九月我行西宮
瞻望崇構見老臣遺像顯然肅然和敬在色想雲龍
之渤潮感政業之艱難親往思今取類非遠且功與
時並亦與世苟蘊其才遇其時尊主庇人何代不
有在品乘時有知桓彥範等著輔戴之績在玄宗時

有如劉幽求等申張翼之勲在肅宗時有如郭子儀
掃除氛祲今顧晟等保寧朕躬咸宜力肆勸光復宗
祐訂之前烈夫豈多謝闕而未錄孰旌厥賢况念功
紀德文祖所為也在予其曷敢怠有司宜叙先後各
圖其像于舊臣之次命皇太子書其文以賜晟晟刻
石于門會要貞元五年九月李晟馬燧見延英上
嘉其勲下詔曰云云於是史官考其功績第其前後
以褚遂良蘇定方郝處俊等三十七人充之馬燧
傳與李晟皆圖像凌煙閣張萬福傳江淮草木亦
知威名德宗召為右金吾大將軍詔圖形凌煙閣

唐書卷之二十一
唐書卷之二十一
唐書卷之二十一

李惟簡傳號元從功臣圖形凌煙閣賜鐵券蔣乂
傳德宗嘗登閣視右壁額剝題文漫闕行繞數字命
錄以問宰相無能知者遽召乂至答曰此聖曆中侍
臣圖贊帝前口誦以補不失一字

唐大中圖元和將相凌煙閣續圖凌煙

功臣

宣宗紀大中二年七月己巳續圖功臣于凌煙閣

李絳傳大中初詔史官差第元和將相圖形凌煙閣
絳在馬獨留中忠義傳大中初又詔求李峴王圭
戴胄馬周褚遂良韓瑗郝處俊婁師德王及善朱敬

則魏知古陸象先張九齡裴寂劉文靜張柬之袁恕

已崔玄暉桓彥範劉幽求郭元振房琯袁履謙

業張巡許遠盧弈南霽雲蕭華張縞李勉張鑑蕭復

柳渾實耽馬燧李愬二十七人畫像續圖凌煙閣云

會要只有三十一人名而曰二十七會要大中二

年七月十一日史館奏選堪凌煙閣功臣除所有

舊真形并有子孫在中外任官令寫進外三十七人

敕旨令御史臺牒諸縣尋訪子孫圖寫真形以進

崔損凌煙閣功臣賦見文苑英華

文宗畫王起象於便殿當世仙口尼

唐開元十八學士圖

藝文志商榷韋無忝畫開元十八學士圖開元人

張說傳天子尊尚經術開館學士修太宗之政皆說倡之常典集賢圖書之任明雖致仕一歲亦脩史於家始帝欲拜說大學士辭曰學士本無大稱中宗榮寵大臣乃有之臣不敢以五稱固辭乃免後宴集賢院故事官重者先爵說曰吾聞儒以道相高不以官闕為先後太宗時修史十九人長孫無忌元舅每宴不肯先舉爵長安中與修瑛英當時學士亦不以品秩為限於是引觴同餘時服其有體馬植傳奏言開元中麗正殿

各臣

殿賜酒大學士張說以十八人不知先舉者說以學士德行相先遂同舉酒中書舍人陸

堅以學士或非其人而供擬太厚無益國家者議白

罷之說聞曰古帝王功成則有奢滿之失或興池觀

尚聲色今陛下崇儒向道躬自講論詳延豪雋則麗

正乃天子禮樂之司所費細而所益太矣會要開

元十三年改集仙殿為集賢殿麗正書院為集賢院

詔院內五品以上為學士六品以上為直學士中書

令張說充學士知院事散騎常侍徐堅為副禮部侍

郎賀知章中書舍人院陸堅並為學士國子博士康

子元為侍講學士考功員外郎趙崇曦監察御史咸

嘉靖丙辰午 監生程襄刊

虞業左補闕韋述李子釗陸去泰呂向拾遺母照大
學助教余欽四門博士趙玄默校書郎孫季良並直
學士太學博士侯行果四門博士敬會真右補闕馬
朝隱並侍講學士初以張說為大學士辭之
賀知章開元十三年兼集賢院學士玄宗自為贊賜
之康子元玄宗嘗制贊賜說子元命工圖其象詔冬曦
述照分為傳陸堅玄宗待之甚厚圖形禁中親製
贊趙冬曦開元集賢學士又有尹愔鄭欽說盧僕
名稍著集賢注記殷季友殷敝韋無忝等分貌張
說等燕公以手雜不精奏同州僧法明獨貌諸學士

繪名臣

等法明於寫貌無工切於形似圖成奏之上稱善令
藏其本於書院詳見集賢書院圖以年久致失康
子元得一本取以進今唯有寫本存
馬翰林盛事開元中拜張說等十八人為學士於
東都上陽宮含象亭圖象寫御贊述之

唐孔子廟圖七十子 開元二十二賢圖

贈孔子弟子爵

禮樂志武德六年六月詔國子學立孔子廟貞觀二

十一年二月十五詔左丘明卜子夏公羊高穀梁赤

伏勝高堂生戴聖毛萇孔安國劉向鄭眾賈逵杜子

春馬融盧植鄭玄服虔何休王肅王弼杜預范甯二

嘉靖丙辰年 監生湯文煥刊

十二人皆配享。開元八年三月十日，司業李元瓘奏先聖廟為十哲象，以先師顏子配。則配象當坐。今乃立侍，餘弟子列象廟堂，不像享。而范甯等皆從祀，請釋奠十哲享於上，而圖七十子於壁。曾參以孝受經於夫子，請享之。如二十二賢，乃詔十哲為坐像，悉豫祀。曾參大孝德，冠同列，特為之像，坐亞之。圖七十子及二十二賢於廟壁。二十七年八月十日，詔謚文宣王，以其嗣為文宣公。先時以周公南面，而夫子坐西墻下。貞觀中，廢周公祭，而夫子位未改。至是始改南向，以顏淵配。贈諸弟子爵：公侯子淵、充公子騫、費侯伯牛。

圖繪名臣

侯仲弓、薛侯子有、徐侯子路、衛侯子伋、齊侯子夏、侯子游、吳侯子夏、魏侯。又贈曾參以降六十七人。

贈二元四叶訛贈年參成伯顓孫師陳伯澹臺滅明

江伯、宓子賤、單伯、原憲、原山、公冶長、宮伯、南宮、迺、知、任

公、蒼、哀、郟、伯、曾、點、宿、伯、顏、路、杞、伯、商、瞿、象、伯、高、紫、共

伯、漆、彫、開、滕、伯、公、伯、寮、任、伯、司、馬、牛、向、伯、樊、遲、樊、伯

有、若、下、伯、公、西、赤、邵、伯、巫、馬、期、鄩、伯、梁、鱣、梁、伯、顏、

肅、伯、冉、孺、郛、伯、曹、邴、豐、伯、伯、虔、鄒、伯、公、孫、龍、黃、伯、

季、產、東、平、伯、秦、子、南、少、梁、伯、漆、彫、斂、武、城、伯、顏、子、

環、邪、伯、漆、彫、徒、父、須、句、伯、壤、駟、赤、北、微、伯、商、澤、

昭、陽

伯石作蜀郕邑伯任不齊任城伯公夏首亢父伯公
良孺東牟伯后處營丘伯秦開彭衙伯奚容蒧下邳
伯公肩定新田伯顏襄臨沂伯鄭軍錡鞏伯句井疆
淇陽伯罕父黑乘丘伯秦商上洛伯申黨召陵伯公
祖子之期思伯榮子期雩婁伯縣成鉅野伯左人郟
臨淄伯燕伋漁陽伯鄭子徒棗陽伯秦非沂陽伯施
齊乘氏伯顏噲朱虛伯步叔乘溥子伯顏之僕東武
伯原元籍萊蕪伯樂欬昌平伯廉繁莒父伯顏何陽
陽伯叔冲會瑕丘伯狄黑臨濟伯邾奚平陸伯孔之
汶陽伯公西與重仁伯公西蒧祝阿伯孫是二涼之

伯石作蜀

牲祭學樂宮縣舞六佾矣云云

會要開元八年

三月十八日元瓘奏云云七十子者文翁之壁尚不

缺如豈有國庠遂無圖繪請命有司圖形於壁兼為

之贊上以顏子亞聖親為製贊書于石仍令朝士分

為之贊題于壁漢藝文志論語家卷蘇冕曰檢貞觀

顯慶年敕並稱二十一賢又檢太極開元年敕即稱

二十二賢將前敕與學令比類於服虔之下有贊遠

未知何年月附入舊紀武德二年六月戊寅令國

子學立周公孔子廟四時致祭仍博求其後乾封元

年正月甲午次曲阜縣幸孔子廟開元二十七年八

年正月甲午次曲阜縣幸孔子廟開元二十七年八

禮記卷五十一
文宣王顏回充國公餘十哲皆侯夾
等見校經莫類
韋弘機傳顯慶中為檀州刺
史備學官畫孔子七十二子漢晉名儒象自為贊勳
生徒

唐武成廟名將圖

禮樂志開元十九年丙四月始置太公尚父廟以留侯
張良配中春中秋上戊祭之牲樂之制如文宣仍以
古名將十人為十哲配享上元元年贈樓閣四尊太
公為主成王以歷代良將為十哲白起韓信諸葛亮
李靖李勣列於左張良田穰苴孫武吳起樂毅列於

右以良為配後罷為中祀遂不祭建中三年閏正月

日禮儀使顏真卿奏武成廟請如月令春秋釋奠月七

十一日詔考定可配享者列古今名將凡六十四人圖

形焉范蠡孫臏廉頗王翦曹參周勃李廣霍去病鄧

禹賈復寇恂馬援皇甫嵩張遼關羽周瑜陸遜羊祐

王濬謝玄慕容恪檀道濟王僧辨慕容紹宗宇文憲

韓擒虎史萬歲尉遲敬德蘇定方張仁愿王晙王孝

傑以上三十二人列於左管仲田單趙奢李牧彭越周亞夫衛

青趙充國吳漢馮異耿弇段熲鄧艾張飛呂蒙陸抗

杜預陶侃王猛長孫嵩王鎮惡吳明徹斛律光于謹

韋孝寬楊素賀若弼河間王孝恭裴行儉郭元振張齊丘郭子儀以上列於右貞元二年刑部尚書關播奏太

公古稱大賢今乃置亞聖又有未安而仲尼十哲皆

當時弟子今以異時名將列之弟子非類也請但用

古今名將配享去亞聖十哲之名自是唯享武成王

及留侯而諸將不復祭矣 **藝文志**盧鋌武成王廟

十哲讚一卷 **百官志**武成王廟令一人

六十四名將七國范蠡等八人兩漢曹參等十七人

三國張遼等八人晉羊祜等五人南北朝檀道濟等

十二人隋韓擒虎等四人唐尉遲敬德等十人

唐崇賢學士圖贊

顏魯公集顏勤禮與兄師古相時同時為崇賢弘文

館學士太宗嘗圖畫崇賢諸文學士命師古為讚以

兄弟不宜相褒述乃命中書舍人蕭鈞讚勤禮曰德

彰素里行成蘭室鶴鑰馳譽龍樓委質當代榮之當

考 **會要**顯慶元年三月十六日太子弘請於崇賢

館置學士

尼父有徒人之法晉帝著樂賢之象

唐龍朔功臣圖

藝文志雜藝術類有韓幹畫龍朔功臣圖今秘閣畫有闕立本

貞觀名臣圖二

唐麟德殿漢名臣圖

會要貞元十二年二月巳卯以寒食節御麟德殿內宴於宰相位後施畫屏風圖漢名臣仍紀其嘉言美行題之于下

班婕妤曰觀古圖畫賢聖之君皆有名臣在側

唐古今朝臣圖

舊史韋述傳聚書二萬卷皆自校定兼古今朝臣圖歷代知名人畫魏晉以來草隸真跡數百卷志曹元廣畫後周北齊梁陳隋武德貞觀永徽等朝臣圖

誠方左

唐六賢圖讀

志雜傳記李渤六賢圖讀一卷崇文目同見後

唐九老圖

白居易傳稱香山居士嘗與胡杲吉旼鄭愚劉真盧真張渾狄兼謩盧貞珙集皆高年不事人慕之繪為九老圖

唐歷代名畫記

書目十卷唐張彥遠撰首論畫源流興廢至叙畫人姓名自史皇至唐王默凡三百二十餘人唐志

貞觀名臣圖

麟德殿漢名臣圖

古今朝臣圖

六賢圖

九老圖

唐帝王事跡圖

宋朝宗室傳守節上所集唐帝王事跡為列聖圖別類君臣議論為小錄

端拱注撰武成王廟贊

和峴傳端拱初以所著奉常集五卷祕閣集二十卷注撰武成王廟贊五卷奏御上嘉之授判太常寺兼禮院事

明道重修七十二賢圖贊傳

明道元年八月戊午詔國子監重修七十二賢堂其左丘明而下二十一人並以本品衣冠圖之先是真

宗於至道三年七月癸酉詔文宣王十哲七十二賢

像咸加繪飾

元豐七年五月壬戌詔釋奠以鄒國

公孟軻配食文宣王設位于兗國公之次荀況揚雄

韓愈以世次從祀於二十二賢之間並封伯況蘭陵雄成都

愈昌黎又詔學士院撰贊

明道元年六月癸卯國子監說李敏上所著孔子七

十二弟子贊傳六十卷國史志李畧六十卷

治平孝嚴殿圖文武大臣

治平元年三月作仁宗神御殿于景靈宮西園八月

成名曰孝嚴別殿曰寧真戶部副使張燾請圖乾興

以來文武大臣於殿壁繪像自此始十一月御篆孝

嚴殿額二年四月丙午奉安仁宗御容

元豐景靈宮繪勲臣

元豐五年十一月乙酉修景靈宮成奉安聖容繪勲

臣

紹興景靈宮圖配饗功臣

十三年正月乙酉建景靈宮十八年五月甲子一作乙丑

命有司圖配饗功臣像于景靈宮廷之壁武殿大

祖韓忠獻王趙普咸平二年二月丙申初周武惠王

曹彬大定殿太宗司空同平章事謚文惠薛居正樞

密使謚元懿石熙載鄭武惠王潘美熙文殿真宗右

僕射平章事謚文靖李沆魏文正公王旦山南東道

節度使同平章事謚忠武李繼隆美成殿仁宗沂文

正公王曾許文靖公呂夷簡簽書樞密院謚武穆曹

瑋治隆殿英宗魏忠獻王韓琦魯宣靖公魯公亮大

明殿神宗韓文忠公富弼重光殿哲宗温文正公司

馬光承元殿徽宗魏文定公韓忠彥凡十有六人先是

禮部下諸路訪十九年八月甲戌詔以景靈宮繪

像功臣之副藏于天章閣及秘閣復故事也先是九

年四月二十五日李德光上五帝功臣繪像圖

慶殿欽宗皇德殿高宗呂頤浩趙鼎韓世忠張俊系

萬曆十六年

監生吳學相

隆殿 孝宗 陳康伯史浩美明殿 光宗 葛邲垂光殿 寧

宗 汝愚合二十四人

尚盤庚云茲予大享于先王爾祖其從與享之 古者天子

錄功臣配食於廟大享丞嘗也 周司勳有功者銘書王之太常祭於

大丞司勳詔之洛浩云記功宗以功作元祀漢祭功

臣廟庭魏正始六年祫祭太祖廟佐命臣二十一人

晉咸寧初荀顛等十二人銘功太常配享清廟唐武

德至大中功臣列祀典三十八人 漢舊儀宗廟祭

功臣四十人食堂下惟御僕滕公祭於廟門外塾用

一壺酒四脛骨

圖繪名臣

熙寧元年命取狄青畫像入觀禁中遣使賫中牢祠于其家御製祭文

紹熙八圖

黃裳為嘉王府翊善作八圖以獻曰太極曰三才正

性曰天文曰地理曰王伯學術曰九流學術曰帝王

紹運終以百官文武各述其大旨因誕日作渾天儀

輿地圖以獻皆以木為之因為歌詩勉進學如天之

運行而不息及念祖宗郡國大半陷為賊區乃王心

所宜感憤者

寶慶昭勲崇德閣圖配饗功臣

皇帝誕膺駿命，憲章鴻烈，嗣位之元。顧二三大臣曰：惟前寧人昭則垂佑，予曷敢不廸。既而太常禮官舉嘉定表章勲臣之意，以聞。於是奉俞咨，閱故府。凡以功宗作元祀，自韓忠獻王普至邴文定公邴合文武二十有三人，即頌臺建傑閣，肖象登繪。寶慶二年八月，賜名昭勲崇德之閣宸翰書扁。紹定元年十一月癸巳，詔翰林學士清之為記。端平二年，益以汝愚。

自昔繼體守文之君，欲大有為於天下，必賴輔弼。其濟康功，是以元首股肱相須一體。志同道合，乃克有

圖繪名臣

成載之詩書，不可誣已。然自非藻繪形容，昭揚勲德，以著其感會之榮，奉承之蹟，何以為君子之勸哉。吳越春秋，越王使良工鑄金象范蠡之形，置之坐側，朝夕與之論政。

記志

古之史官，必廣其所記，非獨人君之舉。後世因其事類相繼，而作者甚衆，名目轉廣，又雜以虛誕怪妄之說，推其本源，蓋亦史官之末事也。

堯握河記

文選王元長曲水詩序注帝王世紀曰堯與群臣沈璧於河乃為握河記今尚書候是也

禹受地記

三禮義宗明天地歲祭義禹受地記云崑崙東南五千里之地謂之神州

周記

韓非子周記曰無尊大臣以擬其主

孔子三朝記

漢志論語十二家孔子三朝七篇注師古曰今大戴禮有其一篇蓋孔子對魯哀公語也三朝見公故曰

記

三朝 史記黃帝紀漢高帝紀臣瓚引孔子三朝記

漢武紀元光元年注亦引之索隱曰劉向別錄云孔

子見魯哀公問政比三朝退而為此記凡七篇並入

大戴禮 蜀志秦宓曰昔孔子三見哀公言成七卷

注劉向七略曰孔子三見哀公作三朝記七篇今在

大戴禮臣松之案中經部有孔子三朝八卷一卷目

錄餘者所謂七篇穀梁疏引三朝記文選東都賦

三朝記

漢河間古碑雍記

見三雍類 志儒家河間獻王對上下三雍宮三篇

嘉靖丙辰年

每卷五十七

監生楊文煥刊

漢逸禮王度記

輿服志注逸禮王度記曰天子駕六馬諸侯駕四大夫三士二庶人一 **白虎通**王度記曰子男三卿一卿命於天子天子冢宰一人爵祿如天子之大夫友之以玦王者有象君之德天子鬯諸侯薰大夫芑蘭士薰 **禮記雜記注**王度記百戶為里里一尹 **周禮疏**王度記云天子以鬯諸侯以薰 **曲禮疏**按大戴禮王度記云大夫侯放於郊三年得環乃還得玦乃去 **禮記疏案別錄**王度記云似齊宣王時淳于髡等所說也 **三禮義宗**王度記云王者象君子之

記

德

文王世子記曰有師保有疑丞世子之記曰朝夕至于大寢之門外注世子之禮下此存其記 **學記**云記曰三王四代唯其師

禮三正記

曲禮正義案白虎通稱禮三正記天子龜一尺二寸諸侯一尺大夫八寸士六寸 **白虎通別名記**曰司徒典民司空主地司馬順天禮別名記曰五人曰茂十人曰選百人曰俊千人曰英儼英曰賢萬人曰傑萬傑曰聖禮三正記曰正朔三而改文質再而復質

法天文法地禮親屬記曰男子先生稱兄禮運記曰六情所以扶成五性也

儀禮疏按三正記大夫著

五尺故立筮士之著三尺當坐筮

三禮義宗引三

正記曰三王各以正月祭天南郊日用上辛

夏官

注引王霸記疏云記王乃霸事

白虎通又引禮五

帝記 **文選注**引禮瑞命記古瑞命記

蔡氏辨名記

月令正義蔡氏辨名記曰十人曰選倚選曰俊萬人

曰傑尹文子及毛詩傳皆云萬人為英

春秋正義

辨名記云倍人曰茂十人曰選倍選曰雋千人曰英

記

倍英曰賢萬人曰傑倍傑曰聖 **唐志**名家范謚辨

名苑十卷雜家盧辯稱謂五卷徐陵名數十卷

漢鄭志 鄭記

見經解類 初學記引鄭記王贊問曰云云 後魏

禮志引鄭志檢魯禮 南齊禮志引鄭志正月上辛

祀南郊又引趙商問 續漢群國志注引鄭志曰有

小泰山 書正義引鄭志張逸問鄭荅云 禮記正

義引鄭志荅趙商問焦喬荅王權云 周禮疏引鄭

志趙商問又案雜問志 詩正義引鄭志荅趙商云

荅張逸云鄭志張逸問又引雜問志云 **隋志**鄭志

嘉靖丙辰年 監生楊文煥刊

十一卷魏侍中鄭小同撰鄭記六卷鄭玄弟子撰

魯禮禘祫記

詩正義

鄭康成

魏人物志 唐廣人物志

劉劭傳黃初中為尚書郎受詔集五經群書以類相

從作皇覽後與荀悅等定科令作新律十八篇著律

畧論景初中受詔作都官考課七十二條說略一篇

又著樂論十四篇凡所撰述法論人物志之類百餘

篇又選注引唐志名家隋志劉劭人物志三卷魏

騎常侍劉昞注人物志三卷涼祭酒中興書

記志

目二卷述人性品有上下材質有邪正欲考諸行事

而約之中庸十二篇九證體別流業才理才能利害

接識英雄八觀七繆效難釋事廣人物志一卷唐進

士杜周士撰志三卷崇採唐朝名臣賞拔人物自武德

止正元凡五十五科以廣劉劭志云陸羽有南北人

物志十卷唐志又有趙武孟河西人物志十卷宋

璩吳興人物志十卷名家江敞陳留人物志十五卷

陽休之幽州古今人物志三十卷傳記類李德裕

人物志論以為索隱精微研幾玄妙然品人物不倫

以管仲商鞅俱為法家是不究成敗之術也以子產

西門豹俱為器能是不辨精麤之迹也其甚者曰辨不入道而應對資給是謂口辯樂毅曹丘生是也一人之身兼有英雄高祖項羽是也

隋志名家梁有姚信士緯新書二卷魏盧毓九州人士論一卷

吳張儼默記

諸葛亮傳注吳大馮臚張儼作默記其述佐篇論亮與司馬宣王書唐志雜家三卷

晉博物志

張華傳著博物志十篇唐志小說家十卷隋志雜

記志

家十卷

書目十卷采錄雜說異聞有周日用盧

江釋間見于下

晁氏云載歷代四方奇物異事

拾

遺記張華作博物志晉武賜以麟角筆管遼西所獻

青鐵硯于闐所貢鐵側理紙萬苗南越所貢

北史

常景刪正張華博物志

隋志張公雜記一卷張華

撰糖志梁有五卷與博物志相似小不同又雜記十

一老郭義恭廣志二卷

後漢郡國志律志注引博

物記春秋正義引博物志廣志

魏志後漢書注

引博物志

班超傳注引郭義恭廣志

續成傳著異物志遠游志皆十卷

干寶傳寶鏡集

萬

晉書未補刊

三

六

古今神祇靈異人物變化名為搜神記凡三十卷唐志
小說以示劉惔惔曰卿可謂鬼之董狐實博采異聞
遂混虛實因作序以陳其志 隋志魏文帝列異傳
三卷宋東陽元疑齊諧記七卷吳均續齊諧記一卷
取莊子志怪之義 書目搜神總記十卷崇文目云
不者撰人名氏或題干寶撰非也 唐顧况有異氏
廣異記序戴孚二十卷

晉發蒙記 見小學 啓蒙記

東晉傳所著三魏人士傳七代通記晉書紀志 亡失
其二經通論發蒙記補亡詩文集數十篇行於世

隋志一卷著作郎東晉 顧愷之撰 啓蒙記

晉西京雜記

隋志舊事類葛洪二卷 唐志地理類 書目六卷

晉葛洪撰初洪有劉子駿漢書無首尾題目但以甲

乙丙丁紀卷數洪父傳之歆欲撰漢書編錄未就後

好事者始甲終癸次第為十秩秩十卷合百卷洪以

校班史殆是全取劉書而固所不取者不過二萬言

洪抄為二卷以裨漢書之缺案洪後序復有漢武帝

禁中起居注一卷漢武故事二卷并五卷為一秩今

雜記共六卷不同疑後人誤析爾故事見前起居
注今不存顏師古曰其書淺俗出思卷多妄說或
以為吳均依記為之

晉拾遺記

晉藝術傳見錄類書目別史類晉王嘉撰著拾遺

記十卷事多詭怪今行在世梁蕭綺序云本十九卷
書後殘缺綺因刪集為十卷

晉文章志

見總集文章類

晉華陽國志

見地理

隋志霸史文宗華陽國志十二卷唐志常璩撰記漢

巴蜀人物後漢書注華陽黑水惟梁州孔安國注曰比

拒華山之陽故常璩叙蜀事謂之華陽國志武紀

蜀志注華陽國志前地理志詳柯郡注

南史崔慰祖著海岱志起太公迄西晉人物為四十

卷隋志二十卷齊崔蔚祖隋志地理有揚雄蜀王本記一卷

譙周二巴記一卷常璩蜀志一卷唐志雜史有王

隱刪補蜀記七卷後漢注引孫盛蜀譜南中

部志李膺益州記蜀志注引王隱蜀記蜀本紀益

部者舊雜記益州者舊傳

古今集記

文選王儉集序撰古今集記今書七志為一家言

書目任昉二卷梁天監二年撰崇數目昉家書三萬

卷多異聞又采於祕書撰此記唐志小說家相也

梁皇德記

梁書周興嗣撰皇德記

梁長春殿義記

梁書簡文在東宮撰一百卷徐陵為序唐志

解類

梁孔志

隋志梁有孔志十卷梁太尉參軍劉被撰

唐一百二十五家雜傳記周諸侯史記

志史錄雜傳記一百二十五家一百四十六部一千

六百五十六卷失姓名十四家始於趙岐三輔決錄

次魏文帝海內士品錄魏明帝時海內先賢傳終於

李贇與息忠孝圖傳讀許敬宗文館詞林文人傳自崔

元暉文義傳至武誼自古忠臣傳不著錄五十一家

二千五百七十四卷附以女訓自劉向列女傳至鳳

後新誠十七家二十四部三百八十三卷總一百四十七家一百五十一部 隋志二百十七部一千二百八十六卷周官外史掌四方之志則諸侯史記兼而有之阮仲叔勳藏於盟府司寇盟書登天府則王若誅賞具錄其事善惡之迹畢集史職而又問胥族師黨正書敬敏孝悌德行入於鄉大夫大比獻其書登天府是以側陋之士言行必達皆有史傳漢阮倉作列仙圖劉向作列仙列女列士傳皆不在正史光武始詔南陽撰作風俗郡國之書由是作魏文帝作異以序奇怪嵇康作高士傳以叙厚賢今部而類

之謂之雜傳 舊唐志雜傳一百九十四部一千七十八卷

唐西征記

貞觀初為左千牛曹參軍使西突厥會石國叛道梗三年不得歸裂裾錄所過風俗物產為西征記此還太宗問外國事即上其書帝大悅 志雜傳記類卷之地理類載作西征記二卷 文選注引

唐景龍文館記

志武平一撰十卷 諡目 中宗景龍二年詔修文

記 征 記 文 選 注 引 西

館置大學士學士直學士凡二十四員賦詩賡唱是
書成記錄為七卷又學士二十九人傳為三卷
云大學士四人象四時學士八人象八節直學士十
二人象十二時張說文景龍之際六合清盜內峻
圖書之府外闢修文之館搜英獵峻野無遺才白
雲起而帝歌翠華飛而臣賦雅頌之盛與三代同風

唐北人本業記

心農家武后兆人本業三卷會要岳拱二年四月

上民武后撰百家新誠及兆人本業記頒賜朝集使

唐初學記

志類書類初學記三十卷張說類集要事以教諸王

天部至
麟介部

徐堅韋述余欽施敬本張烜李銳孫季良等

分撰會要開元十五年五月一日集賢學士徐堅

等纂經史文章之要以類相從上制名初學記至是

上之欲令皇太子者王檢事綴文中興書目神龍

中徐堅掇諸書分門類事附見詩賦銘頌之文集

賢注記開元十六年正月學士徐堅已下撰成初學

記三十卷奏之賜絹有差為十本分賜諸王初尹鳳

翔宣敕與燕公云見子欲學綴文若御覽類文博要

珠英之類部秩廣大卿與學士撰集要事要文以類

相從務要省便

唐翼善記

褚無量傳玄宗為太子拜司業兼侍讀撰翼善記以進厚被禮容

唐東封記

漢封禪儀記

見封禪

韋述傳從封泰山奏東封記

志一卷儀注類

初

學記引張華封禪儀

唐兩京新記

志韋述兩京新記五卷

宋敏求依韋述例撰汴都

事為東京記三卷又以雍洛遺事為長安河南志各

二十卷

唐御史臺記

志職官類韓琬十二卷韋述十卷李建御史臺故事

三卷

杜易簡御史臺雜注五卷

集賢注記宋州司

馬韓琬上續史記一百三十卷南征記十卷御史臺

記十二卷

書目韓琬十二卷載唐初至開元御史

臺中制度故事以大夫中丞侍御史殿中監察主簿

錄事分門載次名行事著論一篇叙御史正邪得失

附卷末以為世戒

嘉祐御史臺記五十卷馮潔已撰

臺有記始於武后時姚庭筠其後韓琬韋述嗣有紀

萬曆十七年

三五卷五二二

三

監生倪渠

者嘉祐中王疇命潔已續之自建隆之元迄嘉祐八年凡一百四年分門載名氏行事潔已極之子為叙傳兩篇述其父事

附于宋聖寵新御史臺記崇寧中續韓琬書用其後規式所異者不為諸人立傳於儀制令式為詳

唐王政記

裴遵慶傳初為郎時著王政記述古今治體識者知有公輔器 **志**王政記卷七 **鄴侯家傳**德宗謂李

泌曰朕欲知自古政理之要而史籍廣博卒難尋究讀何書而可對曰昔魏徵為太宗畧群書之言理道者成五十卷謂之群書理要今集賢合有本又肅宗

朝宰臣裴遵慶撰自上古以來至貞觀帝王成敗之政謂之王政記凡六十卷比寫一本送臣欲令進獻於先朝竟未果其書見在臣請進之以廣聖聰上曰此尤善也 盧稹著五常皇極志

唐輔佐記

志職官類賀蘭貞元輔佐記十卷 **會要**貞元十二

年志云十三年十月昭義判官賀蘭貞元進用人權衡輔佐記各十卷舉選衡鏡三卷志作衡鑒三卷

唐文武兩朝獻替記

志雜史類李德裕獻替記三卷又會昌伐叛記一卷

書目二卷載其在文宗武宗朝論奏始末

唐平戎記

志雜傳類裴肅五卷休之

唐九鼎記

志許康佐四卷

唐三足記

盧景亮傳善屬文根於忠仁有經國志嘗謂人君足食足兵而又得士天下可為也乃興黃帝以來至唐剗治道之要著書上下篇號三足記又作荅問輓運大畧及陳西戎利害切指當世公卿伏其達古今云

志雜家二卷

唐卓異記

志小說家憲穆時人卓異記一卷裴紫芝續卓

異記一卷書曰卓異記一卷開成中李翱撰唐世

君臣盛事如封禪并兩朝三代為相之類二十七類

崇文總目云陳翱撰乾符中裴紫芝續一卷載唐衣

冠盛事樂史廣卓異記二十卷集聖賢神仙之事崇文

目廣卓異記三卷熙三年正月上唐志雜家李文成博物志十

二卷

唐止戈記

唐曆六年

監生于光烈刊

志兵書劉秩七卷

崇文目總集止戈書五十卷未詳

唐科目記

見科舉

唐四時記

志薛登撰四時記二十卷

唐洽聞記

志小說家鄭遂一卷

崇文目同 晁氏志云鄭常

書目二卷唐

鄭遂類次古今書史異聞凡百五十六條

唐讀書記

志儒家喻家讀書記三十二卷王劭撰

唐青宮要記

舊志儒家青宮要記十卷天后撰

唐國朝傳記

志雜傳記類劉餗國朝傳記三卷國朝舊事四十一卷

書目傳記三卷凡一百九十事

唐中台志

志傳記類李筌中台志十卷 書目十卷李筌錄

弼邪正之尤者起商伊陟終隋虞世基以皇王霸

亡五者第之而為鑒戒唐相以李林甫陳希烈附皇

道筌上元中乃自表天寶初迫以綴名云景德中曾

致堯以奎叙事簡略褒貶未當乃為廣中台志八十卷自黃帝得六相而下至于唐末類事為二十四門致堯著為臣要紀十五篇

唐辨疑志

志小說家陸長源辨疑志三卷書目三卷辨世俗

流傳之謬

唐通志

舊唐書歸崇敬傳授司業兼集賢學士與諸儒官同修通志崇敬知禮儀志與禱允當

唐典章十勅志 法象志

記志

舊唐書李淳風所撰典章文物志等書行於世論前代渾儀得失之差著書七卷名為法象志奏之

唐禮志

志禮類丁公著禮志十卷

唐孝行志

志雜傳記類趙玘孝行志二十卷柳宗元孝門銘

曰在帝有虞以孝丞丞仲尼述經以教于曾惟昔魯侯見命夷宮亦有考叔寤莊稱純

唐經略志

書目唐年經略志十卷張陟撰始征伐四夷終朝貢

萬曆丁亥年

監生朱益德三百十

皆唐時事

淳化續翰林志

淳化二年十月辛巳翰林承旨蘇易簡獻續唐李肇
翰林志二卷詔藏史館仍賜詩二章又飛白玉堂四
字以賜 **唐志職官類李肇翰林志一卷楊鉅學士**
院舊規二卷雜史類韓偓金鑿密記五卷 **書目次**
續翰林志二卷蘇耆撰摭易簡所不及載者一十九事
附當時名人詩翰林志雜記一卷學士李宗諤集翰苑
規制恩例著為定式 祥符中上之 天聖四年三月
十五日錢惟演為金坡遺事二卷太宗御札御詩及

志一

銘共九首真宗詩六首標于上篇終以雜記晁迥別
書三事附焉 周必大王堂雜紀三卷

淳化史氏懋官志

五年四月戊申直史館錢熙至自宋州得趙隣幾所
撰補會昌已來日曆三十六卷文集三十四卷所著
鰕子一卷六帝年略一卷史氏懋官志五卷他書又
五十卷來上詔以錢十萬賜其家

直史館馮起撰御試三勝碑淳化初中允和蒙撰七
勝題名記以獻遂直集賢院并補注父凝所撰古今
孝悌集成十卷以獻 宋庠掖垣叢志三卷

上海卷五十七
至道摠仙記

見後列仙傳

二年四月知黃州樂史獻百三十七卷目錄四卷帝宣示宰臣付史館

景德鹵簿記

三卷景德二年十二月乙巳朔南郊鹵簿使王欽若上

大中祥符封禪記

奉祀記

祀汾陰記

祥符元年十二月壬辰龍圖閣待制陳彭年請自天書降至封禪畢編錄藏之祕府詔李宗諤丁謂及彭年纂錄謂等就起居院編錄至三年十月書成凡五

十卷皆先為記事次列儀注御製冊祝樂章步虛詞御札詔敕德音表狀頌碑銘記贊分門載之庚申丁謂等上之帝為製序祀汾陰禮畢亦詔謂等撰記六年八月丁丑成五十卷七年謂與李維等又作迎奉聖像記二十卷降聖記五十卷奉祀記五十卷天禧元年十一月辛亥維等以獻

祥符先天紀

天源錄

祥符八年十月十五日壬辰知制誥盛度上聖祖黃

帝天源錄五卷命王曾晏殊編未備事迹二十八日

乙巳樞密使王欽若上纂集聖祖事迹十二卷以先

嘉靖丙辰年

天紀為名。中興書目二十六卷御製序。九年三月戊午。欽若上續成先天紀三十二卷。詔褒之。天禧元年六月乙未。賜輔臣先天紀人一本。

唐志神仙類。楊上器注太上元皇帝聖紀十卷。

天禧大禮記

天禧元年正月辛丑朔。上玉皇寶冊。壬寅。上聖祖冊。巳酉。上太廟六室寶冊。辛亥。合祭天地。天安殿。上尊號冊寶。上寶冊禮畢。亦詔禮儀院撰記。時王欽若李迪繼判院。楊億知院。又成天禧大禮記四十卷。二年正月戊午。以獻。幸相欽若等上

天禧五嶽廣聞記

三年二月丙辰。宰臣王欽若上會靈志百卷。詔命五嶽廣聞記。賜序冠篇。手詔褒之。

封芝翠檢篆玉英辭。桂旗羽蓋雲屋風扇。

景祐鹵簿圖記

宋綬十卷

慶曆文武賢臣治蜀編年志

書目一卷。慶曆初。王玉纂。章譽為序。始唐武德。戊寅。逮慶曆壬午。凡四百一十五年。治蜀賢臣。以年編次。皇祐大饗明堂記。

二年九月親祠明堂制度損益多由上裁酌十月詔宰臣文彥博宋庠參政高若訥史館王洙編修大饗明堂記三年二月五日丙戌彥博等上二十卷目錄一卷彥博言編修起三月戊子降詔迄季秋辛亥禮成廣記而備言之慮簡牘頗多仰煩聖覽因纂成皇祐大饗明堂紀要三卷以聞庚寅內出御製序從所請也今崇文院鏤板以賜近臣

治平十國志

熙寧都水名山記

八年七月四日右諫議大夫沈立進都水記一百卷
名山記一百卷

元豐新修大樂記

三年置局修製大樂知禮院楊傑以前後詩論大樂奏議所承認詔旨編為三卷又以元祐樂議七篇附其末

建炎中興記

龍圖直學士耿延禧承詔著建炎初繼統事述一書
李綱編建炎時政記三卷自元亨五月一日以後
至八月十八日

建炎進退志

李綱建炎進退志總叙四卷

乾道籌邊國志

三年十二月八日參政蔣芾上

淳熙聖德記

十五年五月十三日左司郎中王玘已進皇帝聖德

孝感記詔付史館

嘉定聖德記

五年九月二十四日吏侍彭龜年之子致書龜年勸

講所得聖語及事實本末名聖德記上之詔付史館

嘉定聖德記

